



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Synopsis Magnalium Divi Josephi**

**Ignatius <a Sancto Francisco>**

**Leodii, 1684**

Sect. 1. Quomodo D. Iosephus corde colendus?

**urn:nbn:de:hbz:466:1-38500**

## 544      Synopsis Magnalium D. Josephi,

ficit differentiam excellentia & meritorum, idèo alia est & alia hujus & illius in hoc ordine excellentia: *Sicut enim stella differt à stella in claritate, ita & resurrectio mortuorum.* 1. Corinth. cap. 15. vers. 41. Hincque etiam à Theologis conceditur communiter Aureola una Martyribus, una Virginibus, una Doctoribus qui ad justitiam erudiant multos, quæ non conceduntur aliis: quare etiam alias est cultus, alia Dulia quæ debetur ei qui centesimo fructu abundat, alia ei qui sexagesimo, alia ei qui trigesimo, sive tandem differant illæ dulie penes speciem, sive penes gradum tantum.

**VII.** Ex quo illud imprimis statuendum pro totâ hâc materiâ, modum colendi Divum Josephum esse, ut colatur super omnes Sanctos quantumvis sint magni post Beatissimam Deiparam Sponsam suam: Ratio est, quia ipsius excellentia, ut tam multis probatum est, est super omnes post Beatissimam Virginem, ergo colendus est super omnes illos post ipsam: In id etiam incumbunt hodie quotquot sunt magni nominis Viri, Concionatores eximi, Scriptores præclarí, ut primas teneat in cordibus omnium fidelium, qui primatum tenet in culmine meritorum.

**VIII.** Notandum secundò Sanctos post Deum à nobis tripliciter honorari: Primò, corde: Secundò, ore: Tertiò, operc. Veneratio cordis, dicitur cultus seu religio: Oris, dicitur laus: Operis, dicitur honor seu adoratio. Ita noster Joannes Beetz in Decalog. primo præcept. exposit. 2. cap. 6. paulò post medium, qui Doctor fuit è primis Discipulis Patris Magistri Godefridi de Loë ex Ordine nostro unius è tribus qui fundamenta Academiae Lovaniensis iecerunt, de quo hæc Nicolaus Vernuleus in Descript. Academ. Lovanien. lib. 2. cap. 1. Et venerunt Coloniâ Joannes Winninghen, Prædicator, Heymericus de Campo, Sacra Theologia Doctor, & Godefridus Loë Carmelita, indè evocatus, Lovanium authoritate Summi Pontificis, & Philippi Boni Burgundiae & Brabantie Ducis, ut Theologicum

studium ibi inchoarent, &c.

Non quod hæc Venerationes ita ab invicem distinguantur, ut omnes se invicem excludant. Certum enim est <sup>VIII</sup> veneracionem oris & operis ita requiri conjunctionem illius quæ est cordis, ut si hæc non adsit, illæ non sine cultus, sed tantum vanum illius simulachrum, ut notat Bellarminus tomo 1. controvers. 7. General. de Eccles. Triumph. de Sanct. Beatitud. lib. 1. cap. 12. num. 1. Et ratio est evidens, quia ut peccata oris & operis, initium sumunt à corde, non tantum physicè ut sunt actus vitales, sed etiam moraliter ut sunt peccata, juxta illud Christi Domini Matth. cap. 15. *De corde exēunt cogitationes, homicidia, furtæ, falsa testimonia, blasphemiae:* Ita & veneratio oris & operis, & quælibet alia actiones bona ob paritatem rationis: quare cum veneracionis oris & operis principium, vita, & totalis forma, si veneratio cordis, hâc deficiente, quid illæ nisi cadaver, aut vanum veneracionis simulachrum?

Ergo illi tres modi Cultus & Venerationis ex hoc inter se distinguantur, quod primus præcisè consummatur in corde: Secundus in ore: Tertius in opere: ita communiter omnes Theologi: De his tribus hic quantum spectant ad D. Josephum & nostrum intentum.

### SECTIO PRIMA.

*Quomodo Divus Josephus corde colendus?*

**N**otandum tres illas cultus species de quibus in præfenti Capite, notando primò, quantum spectat actus interiores sic distingui inter se quod prima species, idest Latria, est quædam summa voluntatis seu cordis prostratio ante Deum ex apprehensione superexcellentia ejus ut primi principii à nullo dependentis, & à quo omnia dependent, & ultimi finis nostri, atque adeò Summi Boni nostri, qualis prostratio soli Deo competit.

Secunda



XI. Secunda species, idest cultus seu honor civilis est longè minor inclinatio voluntatis ex apprehensione certæ cuiusdam excellentiæ, sed humanæ valdeque circumscriptæ & limitatae.

XII. Tertia species est media quædam inclinatio voluntatis, major secundâ, sed primâ quam maximè minor ex apprehensione excellentiæ mediæ inter hanc & illam, idest minoris infinitè quam sic divina, sed tamen incomparabiliter majoris quam sit purè humana.

XIII. Ex his duo advero, ex quibus tertium infero. Advero primò, ad cultum interiorum duos actus requiri, unum præsuppositivè & quasi materialiter, scilicet actum intellectus, quo excellentia vel divina, vel humana, vel media inter utramque, apprehendit: Alterum formaliter, scilicet actum voluntatis, quo ipsa se vel Deo, vel Sancto, vel homini mero in protectionem & recognitionem excellentiæ eorum, & sua subjectionis inclinat & prosternit.

XIV. Advero secundò, quod quò excellentia est major specificè, eo cultus, præsupposita illius cognitione, est nobilior & perfectior specificè. Ex quibus infero pro tertio à pari quod quò excellentia est intensior in eadem specie, eò etiam cultus interior, si illa excellentia cùm suā intensione cognoscatur, erit intra eandem speciem major. Quare cùm Divi Josephi excellentia in genere medianarum, idest illarum qua majores sunt quam humanae, & minores quam divina, omnes omnino supereret demptâ unâ solâ, quæ est Virginis Deiparae, & illa jam ex diuis & nulli ignotis perspecta sit, consequens est ut omnis voluntas humana ei magis quam ulli alteri curvari debat: & hic est primus modus quo colitur Divus Josephus à suis clientibus, & quo ab omnibus coli debet per actus interiores.

XV. Secundus modus eum colendi corde est per complacentiam & gaudium de ejus supereminenti gratiâ & gloriâ, jubilatio & gratiarum actio Deo in interiori corde, quod cum ad istam summam & incomparabilem sublimaverit excellentiam.

XVI. Tertius modus eum colendi corde consistit in desideriis & affectibus incensis eum quem Deus ita gloriosum reddidit, etiam quantum in nobis eit glorificandi & honorandi: insuper & efficiendi ac procurandi ut ab aliis eodem modo honoretur, idest super omnes post Virginem Deiparam conjungem suam.

XVII. Quartus modus est adlectio illius inter omnes Sanctos in singularem Patronum & Advocatum nostrum apud Dominum Deum; quæ sit hodie à pluribus ad eum modum, quo Beatissima Virgo ejus Sponsa eligitur ab iis qui nomen dant alicui ejus Confraterniti, vel Sodalito in ejus ingressu: vel etiam sub hac aut aliâ simili formulâ. Sancte Joseph Pater Domini mei IESV & Sanctissime Matris ejus Sponse virginæ. Ego N. te hodie in Patronum meum singularem & Advocatum apud Deum eligo: obsecro te igitur ô Patronorum meorum dilectissime: suscipe me hodie in clientem & servum tuum perpetuum, adiutori miseri in omnibus necessitatibus meis. & ne me deseras in hora mortis meæ Amen. Quæ oratio cum sit brevis, poterit non tantum in initio adlectionis, sed etiam singulis annis in die Festi ipsius, immo singulis mensibus, quin & singulis septimanis, quidni & diebus in eorum principio, utiliter & cum fructu usurpari & repeti.

XVIII. Quintus modus consistit in votis illis omnis generis, & in omnimateria, quibus ex divino instinctu ejus clientes & devoti in dies se ei adstringunt, quoties agitur de re quâcumque per ipsum à Deo obtainendâ.

## S E C T I O II:

Quomodo Divus Josephus ore colendus?

Quemadmodum præcedenti Sectione, in cultu seu veneratione interiori Deo & Sanctis ejus proprio, diversitatem offendimus & ostendimus, sic & in hoc cultuoris, differentiam invenio: nam Deum oramus in hac formulâ vel alia ejusdem census. Sancte Deus, sancte fortis, sancte & immortalis,

Zzz